

Kangiqhidjutikhat

Hepatitis B

Hunauyuq Hepatitis B?

Hepatitis B tungumut aanniarutauyuq hiamitirtumut hepatitis B aanniarutaanit (HBV). Amihut aanniarutiniktut inirniit uluriahukpiakpaktut (naittumik hivituniani) HBV aanniarut timilu nakuuhittirnahugitniaqtuq inmikktut. Ikittut inirniit aanniarutigihimmaarutiginiqtaataat (inuuhirmingni) HBV aanniarutiniq ihuritutiniaqtut aanniarutiniklutik kakugunguqqat.

Hunat aanniarutigivagait Hepatitis B-mut?

Uluhiarukpiakniq HBV-mit: Ilainnait inuit mihiginiqtaut aanniarutinik. Aanniarutiginiarungnaqhiyait: kidjaklutik, niriymayungnaiklutik, aqiaruliklutik, quqlu taakhiluni, qatiryaktuq anak, miriannanguyuq, miriaqlutik, ipigingnini uluriahuklutik quriiqtaqhiluni uvinik iiklu (quriiqtaqtut uvinik iiklu).

Aanniarutikyuaq HBV: Amihut inuit aanniarutiniyuittut. Aanniarutit mihingnayuittut ilaani hivituniani 30-nut ukiunut naunairiangit aanniarutigiliqlugit aadjikkutavyaa qilamik aanniarutiningniq naunaikhidjutiginarungnaqhiyaatingungmi aanniarutimut.

Qanuq hiamitpakpa?

HBV hiamitpaktuq aungmut, kapuk, aallanilluunniit timimi imaitigullu aanniartumit inungmit HBV-mik, naunaikhimaitkaluaqlugit aanniarutinik aanniarunmit. Himaitiridjutiginarungnaqhiyait aanniarutimik ilait ukuaat:

- Kuyaqatigigumiuq aanniarutiqtaqtuq inuk
- Atuqatigiigumik kapuutinik, kapuutikhat aallaluunniit havautituutit hunavaluit
- Aannirhimagumi kapuutimit atuqtauhimayumit aallamit inungmit aanniarutiqtaqtumik HBV-mik
- Atuqatigiigumik inuup pigiyainik auqaqtunik ukunatat kigutigikhautit, kukkikhautit ivalutut, umiiyautit, kudingnut agjarutit
- Atuqatigiigumik aturumikkikluunniit halumaittut qauyaliurutinut, putuliurnirmut timimut hiutiktut, mitqutinut ulurianaiyaiyaut unaluunniit alruyaktuqtunik hulidjutit kanuklikaak tamayait
- Amaamauyutit mirraamut inulihaaqtillogu

HBV-mut aanniarut ilihimayaungittuq hiamitirpakiakhaa mikiyumik kahakkaangata ukuallu kalakhuqtunit, takyuraangata, iqtikaangata kunigaikpataluunniit, kahakkumik haluuqtarumikluunniit algakktut, aturumikkik aadjikkiit akkiutatut atuqhimayunik aanniartumit inungmit. Amaamaktinniq aanniarutaulimaittuq HBV-mut, kihimi muluk uviniklukhimakakpata aunaqqataluunniit amaamaktittiyukhaungittuugaluit mamitinnagit taimaa HBV-nguyuq hiamittaangmat aukktut.

Qanuq ilihimaniaqqit aanniarutiqaruvit Hepatitis B-mik?

Aungmut naunaiyaidjut atuqtauvaktuq naunairiangani HBV.

Hunat munaridjutikhait?

Inuit aanniarutilgit HBV-mik takuyakhayut munarhimik taaktimilluunniit takuyaktuqattarlugit naunaikhihimaaqlutiklu aungmingnik naunaiklugu tingungni ihuariakhainut. Ilangit inuit munariyauttaaqttut.

Qanuq Hepatitis B aanniarutittailiniaqqadjuq?

Aanniarutiniknaittumik HBV-mik:

- Kapuqhirlutit. Kapuutikhaq havaut nakuuyuq aturaakpaktakhami munaridjutikhaq
- Atuqatigihuiqlugit kapuutit hunavalungnikluunniit atuqtauvaktunut kapuutauvlutik havautinut
- Aturuiqlugit inuit tamayagiyait kahakhimayungnaqhingmata aanniartup aunganut, umiyautikhatut, kukiiyautit kigutigikhautilluunniit
- Qauhiniktailutit timimulluunniit putupqaqtailutit laisiqangittunit havagvingnit naunaikhimaittunulluunniit hulyyunut
- Atuqlugit qayagidjutikhat quyaktunut nuliaktunullu